



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: _____/20
Sarajevo, 28.09.2020.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO UNUTRAŠNJIH POSLOVA
INSPEKTORAT ZAŠTITE OD POŽARA**

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Inspektoratu zaštite od požara MUP KS:

“Ljubazno molim da izvršite inspekcijski nadzor u podzemnim garažama zgrade Malta 27, 29 po pitanju pregrađenih garaža i njihovog uticaja na protupožarnu zaštitu.

Etažni vlasnici tvrde da im je firma PROVING d.o.o. iz Sarajeva do sada izdavala pozitivne ateste za sistem protivpožarne zaštite (PPZ) u predmetnoj podzemnoj garaži, uz primjedbu da trenutno izvedeno stanje ne odgovara izvornom stanju zbog određenog broja pregrađenih garažnih mjesta. U usmenom razgovoru sa odgovornim osobama iz firme PROVING d.o.o. dobili su informaciju da se radi o podzemnoj garaži gdje je PPZ sistem projektovan i izgrađen po najsavremenijim sigurnosnim standardima, te da prilikom zatvaranja garažnih mjesta nije presječena niti jedna sprinkler cijev ili mlaznica. Tom prilikom su istakli da bi se navedena primjedba u atestu mogla ukloniti na način da se izradi projekat izvedenog stanja, te napravi elaborat zaštite od požara za izvedeno stanje, a sve u cilju utvrđivanja da li je pregrađivanjem predmetnih garažnih mjesta narušena sigurnost stanara i korisnika zajedničke podzemne garaže. Zadnji atest firme PROVING je negativan.

Etažni vlasnici traže mišljenje od Inspektorata da li je moguće zadržati pregrađene garaže, a da se pri tome ispoštuju **SVI aspekti protupožarne zaštite, te se tako NE UGROZE imovina i životi stanara.**

Napominjem da je u Zapisniku o provedenom inspekcijskom nadzoru urbanističko-građevinski inspektor Službe za inspekcijske poslove Općine Novo Sarajevo broj 04-19-3472/20 od 14.07.2020. godine naveo da je na 3 nivoa garažnih prostora izvršeno ugrađivanje garažnih rolo ili sekcioničkih vrata na 50 od ukupno 194 garažna mjesta. Zapisnikom je konstatovano da su izvedeni radovi na pregrađivanju garažnih mjesta promijenili stanje u prostoru, te da postoji mogućnost da zbog navedenih radova sprinkler mlaznice, detektori CO i vatrodjave neće blagovremeno reagovati na pojavu požara, kao i da zbog pregrađivanja prostora ventilacija neće moći kvalitetno vršiti odimljavanje.

S poštovanjem,

Neira Dizdarević

Zastupnica Naše stranke u Skupštini Kantona Sarajevo